

陳恭介公文集

陳恭介公文集卷之五

明餘姚心穀陳有年著

吉水南皋鄒元標校正

萬載崑崗張璧同校

從子陳啓孫付梓

冢子陳啓端編輯

奏疏

辭南史部尚書疏

南京都察院右都御史臣陳有年謹奏為抱病

乞身驚聞

新命瀝情控辭懇 賜原職致仕事頃臣以目病不能供職於四月二十六日拜疏乞休隨於五月十五日准吏部咨該本部會推題奉

聖旨是陳有年陞南京吏部尚書欽此備咨到臣臣不勝惶悚伏念臣至愚極劣名實無所底

皇上不以臣為不肖使待罪留院涯分既濫疾疢游生不得已仰丐病軀冀逭官責狀具前疏中方候 慈允不謂疏尚在道蒙

恩陞授前官臣聞 命滋驚躋躬靡措猥茲朽質謬  
荷 鴻私豈臣捐糜所能報塞但臣前苦目障  
耳鳴頭旋齒痛諸証日久侵尋藥石罔功視聽  
半失加以喘嗽交作飲食頓減衰羸之人易病  
難療即欲勉服舊職猶然不能而况喉舌銜高  
銓衡署重揆地望則人不稱官揣形神則力不  
勝任思惟轉展實不敢冒塵非據以速大戾輒  
不避煩瀆瞻 天申控伏乞

皇上察臣先今微懃容令原職致仕別藺名碩俾掌

留銓詎獨臣私惛得徼免顛躋而聖朝亦不致有曠廢之臣矣臣無任怔營祈懇之至為此具本專差辦事吏趙科齎捧謹具奏聞伏候

勅旨

萬曆二十一年五月十八日

陞南京吏部尚書謝恩疏

南京吏部尚書臣陳有年謹奏為恭謝

天恩事臣原任南京都察院右都御史萬曆二十一年五月十五日准吏部咨蒙恩陞南京吏部尚書臣隨為抱病之身驚聞新命瀝情揜辭

懷 賜原職致仕事具疏辭免本年六月二十九  
日准吏部咨該臣奏為前事奉

聖旨陳有年近以清望改用留銓如何又以疾辭着  
遵前旨盡心供職吏部知道欽此欽遵移咨到  
臣臣謹於七月初二日望 闕叩頭謝

恩到任管事外臣伏惟陪京為今豐鎬庶績總存留  
銓亦古宰衡百僚胥視惟大人正己而後可表  
百僚非哲者知人則不能熙庶績如臣生而樵  
劣疾且侵尋一歲屢遷愧逾微分六旬善病惧

負鴻私方扣閣而弓孱軀忽伏枕而承  
新寵載瀝控辭之疏重徼綸命之頒聞之自天  
作而就列培塿何望第一清可矢敢不激

宸鑒而益堅犬馬有心雖方寸蔑長期當祇

皇言而自效請事斯語黽勉以行倘幸衰臣之視息  
未畢湏臾席酬

聖主之責成用圖報塞臣無任感戴  
天恩激切屏營之至

辭吏部尚書疏

南京吏部尚書臣陳有年謹奏為愚劣病蹟懇

乞天恩辭免銓衡重任事萬曆二十一年九月初一日准吏部咨該本部等衙內會題奉

聖旨是陳有年改吏部尚書欽此欽遵備案到臣

曷勝感激曷勝惶悚伏念臣稟愚拙劣要任三紀尺寸蔑可程日

皇上起臣田間不數歲晉掌留治屬臣有曠眊之病具疏乞身未蒙賜允力疾受事方忤忤真知所報乃復誤蒙殊寵簡畀銓衡恩隆義重



敢不竭蹶趨命少圖報塞第撫躬揣分實有不敢當者臣少受周官讀冢宰所掌傳者曰總攝百官使歸於一調劑四海使得其平深恐難之謂其重乃至此比仕為冢宰屬睹枉直待次益見總攝之難睹邇邇報政益見調劑之難及閒廢里居睹吏治民生又竊嘆四海之困繇官邪也官之不類德未一也如之何不重且難也方今聖明御寓俊乂比肩然百官未敢言和衷四海未敢言得所即賢碩當之往往不易焉

臣德涼不足以表率流品誠淺不足以孚格上  
下識闇不足以鑒哲人倫神衷不足以揆度疇  
采猥當斯任其不堪昭昭已頃吏部具缺以  
請奉 旨多推數人蓋難之也同推之中臣最不  
肖端肅不如李世達宣朗不如孫丕揚忠毅不  
如石星而臣獨荷越次之 鴻私庸逾涯之太  
受使忘其不堪冒焉就列是

陛下將寄臣以知人之職而臣先不自知將責臣以  
量才之司而臣先不自量無論異日瘵官速謗

而即今已負 陛下矣此臣之所重不敢當也  
伏望 皇上特念銓地之重 允臣辭免更  
簡明德峻望者俾圖上理微臣得徼逭大戾而式  
觀百官四海之休明為幸厚矣臣無任屏營祈  
懽之至

再辭吏部尚書疏

南京吏部尚書臣陳有年謹 奏為感 恩趨  
命揣分惕衷再懽 天恩容令辭免重任事先該臣  
為愚劣病賸懽乞 天恩辭免銓衡重任事具

疏奏 請隨離任候 旨間准吏部咨開談臣  
奏為前事奉

聖旨卿操履端潔識鑒精明銓衡重任朕所特簡宜  
上緊馳驛前來供職不允辭吏部知道欽此欽  
遵備咨到臣臣不勝感激不勝惶悚竊念猥以  
陋劣謬荷 綸褒 諭以特簡之隆知 榮以  
馳驛之異數 趣之供職不允臣辭臣仰激  
洪恩具嚴 明命曷忍自棄於覆造之下且干逋  
慢之咎隨即單車戴星遵途北首顧臣晝而載

驅夕而伏念 寵道重則神滋驚足欲前而心  
轉惕輒敢再披下悃申瀆 宸聰臣之德涼誠  
淺識閣神衰不足以當重任而復冒焉當之是  
欺也臣之所不敢安也夫冢宰以用舍為政期  
於定國是正人心至鉅已如其以德涼誠淺識  
閣神衰之身而持以用人持以舍人能無見謂  
當用而疑於舍見謂當舍而疑於用者又能無  
用而不得用舍而不得舍者由前則淵微之難  
由後則精格之難安正人心安定國是臣敢曰斯

之能信哉未能信而莽莽焉當之是欺也尤臣之所不敢安也且

聖天子之所以拔臣下中特簡之而不疑倂之

異數而不靳蓋將以責定國是正人心之效於萬分有一焉而不謂臣不足以當也若臣之不足以當則自量審矣如其私

聖天子特達之知而竊異數以自張貪隆遇忘所自量越分而充位揆之獨知倍有悚仄是用不避煩瀆瀝誠再請寔臣一念區區不敢以

欺事 陛下之夙心也伏乞 俯賜鑒察容

辭免更簡名賢俾掌邦治庶銓地得人而愚臣

亦得其分矣臣無任感悚待 命之至為此具

本專差辦事官丁學齋捧謹具奏 聞伏候

勅旨 萬曆二十一年十月十三日

叅新選臺臣疏

吏部尚書臣陳有年謹 奏為新選臺臣挾忿譁

逞自揣望輕致侮懣乞

特賜罷斥以重大典以存國體事臣以疎庸謬蒙

聖眷拔置銓曹履任未幾適當考選科道一事早夜  
兢兢所以矢諸天日稽諸輿論者惟恐一毫之  
不盡有孤任使隨於本月初六日奉

旨考選內清豐縣知縣周玄暉據臣所聞查各訪單  
有謂其貌偉而才敏者有謂其居鄉有議者有  
謂其輕浮而有擔當者有謂不必苛求者臣因  
量擬南京雲南道試監察御史自以為玄暉之  
治行如此衆人之公評如彼其於玄暉可謂不  
負矣乃今日各官拜命之後過部見臣玄暉



獨抗立公堂謂不宜辱以南臺盛氣悻容肆言  
狂辨臣再三從容諭之而恣睢彌甚手足踉蹌  
俯仰指顧旁若無人一時見者罔視震愕以為  
從來所未有而其意彌洋洋自得也臣退而思  
之則惟有慚且惧而已夫考選大典也內則合  
司屬之見聞外則合臺省之見聞非臣之可得  
以意上下者也玄暉豈其不知而敢於懟臣吏  
部之堂所稱統百官均四海之地也簡書在  
上觀聽在下夫誰藐之玄暉豈其不知而敢於

自逞且國家選寘耳目之臣而臺對峙歷稽  
往牒不乏名賢二百年来未聞有見謂菲薄負  
氣曉曉者玄暉豈其不知而敢於擇官直是臣  
德涼望薄無能輕重玄暉從而弁髦之耳然則  
大典由臣而壞國體由臣而褻有臣如此將焉  
用之伏乞

皇上將臣特賜罷斥為辱官者戒別選殊賢以供其  
職臣即跼伏草野猶得免於天下萬世之譏矣  
臣曷勝惶恐待罪之至

再推鄒元標疏

吏部尚書臣陳有年謹奏為遺直乞休議覆候  
命再陳惓惓餘悃懷乞聖明裁察事項臣疏病奉  
旨調理間會南京刑部員外郎鄒元標乞休奏奉  
聖旨下部隨於本月十四日具題覆請候  
命決旬未蒙裁發臣方自憐病久當去從此辜

恩負國終已蔑報復念史魚不能進賢退不肖  
至死不敢成禮臣今尚延視息又真知鄒元標  
賢願及臣未死申悃諸

陛下即無是言報亦病臣百一之誠也惟

皇上無留臣身第幸察臣言臣謹按元標始糾故相  
幾死杖下隨零丁戍所者五年比皇上親政  
以為忠赦還授之吏科元標激於更生且居言  
責用是知無不言言無不盡間不能悉當

聖意皇上鑒其無他止從薄謫歷南北部即嘗一  
上條陳疏其言率為吏治民生計皇上又鑒  
其無他為下其疏諛部蓋自元標出白骨受任已  
稍示裁抑而玉之成皇上未嘗有意督過之

且終棄之也前歲臣至南中見元標語念念戴  
恩愛國意氣無所加為人精忠不貳心而能融  
以學問懲創日久蘊藉日深操為日粹以密且  
留意職業嘗為祥刑要語同官皆揭諸座右其  
言何者不當刑何者當緩刑種種曲盡云奉母  
孝取與又庶甘旨時憂不繼而又節縮錙銖市  
地為義塚以順適母志人稱鄒負外園此皆臣  
所親見蓋其大節炳若人皆知之至其洗心砥  
行不自矜肆以求仰稱皇上玉成之恩人或

未盡知也今元標同難者業已次第顯庸即同  
年為進士者且多為巡撫若堂卿矣而元標獨  
以九死一生之身去杖戍日十有八年赦用以  
來十有二年調南亦逾三年其資如此其人又  
如此猶然浮沉郎署此於元標無加損臣寔為  
國家惜之謂宜無聽其休致仍量其官資人品酌  
議推擢原不為驟前覆疏中言元標當及時畢  
致其忠 聖明當及時畢收其用愚臣之心誠  
見謂然今臣旦夕去國人也覆疏又未獲

命使直以去為解且諉曰既覆云爾臣心終有不盡  
輒復不避煩瀆申布惓惓伏乞

皇上少垂意念於病臣之言裁察下部臣去無能為  
役第令代臣者得欽遵施行度元標不負

陛下必有以報此非臣一人之言天下人士之言也  
孔子曰舉直錯諸枉則民服陛下進用元標  
而天下有不翕然誠服者乎無是理也臣又惟  
世之須賢尚矣說者每嘆培植之難摧拆之易  
臣則謂賢未必定無過因其過姑裁成之未始

非培植也世未必定無遺賢因其遺旋收錄之  
亦未始非培植也方今昌言之臣懷忠之士或  
淪幽谷或滯下僚無論駿成衰艾甚且溘焉死  
亡天下徒見諸臣摧拆之迹而未窺清朝培  
植之權以故扼腕而談推轂而請坐滋紛藉臣  
愚不勝至願願皇上特屢宸鑒渙發德音下  
部查酌漸次推陞起用俱明白疏名以上  
取自聖裁使天下曉然知出皇上德意於  
以光昭帝業感服人心良不淺鮮臣歸伏田



里倘湏臾無死得觀泰道以瞑誠不勝慊惻至  
願敢忘其冒昧而併及之伏乞

皇上併垂察臣無任悚友瞻望之至

一乞罷疏

吏部尚書 有年謹 奏為感恩竝誠負罪陳義懇乞

聖明鑒察 賜罷斥事臣愚劣蹇淺待罪吏部日

兢兢莫知所報近為恭承 德意查舉奉

旨不明事件以俟 聖裁事題奉

聖旨王教黜陟在奉 旨之先爾等如何擅朦朧混

請好生欺侮市恩本當究治姑且饒這遭欽此  
臣時方抱病註籍聞 命驚頓旋起藥治扶病  
謝 恩退自省訟臣之有罪 皇上幸而寬之  
矣感戴 恩私復何所言伏念人臣之罪莫重  
於欺侮莫靡於市恩有如欺侮市恩是鈇鉞不  
勝誅而輦帶有餘褫也 皇上即幸而寬之臣  
敢貪 天之恩而強顏在位以重臣罪臣不勝  
悚息冒昧一鳴其衷惟 陛下幸垂聽焉臣惟  
人臣之事君猶天也今日 明聖當陽 威靈

不赫非大奸慝誰敢言欺至於侮之為言則尤  
自古以來未聞人臣敢有此者如臣之愚非惟  
不敢亦自不忍昨歲拜命疏辭即嘗以不欺  
自矢以精格之難自惧區區微忠日思積誠遇  
猶恐不足寧肯或渝若市恩者賈豎之行爾臣與  
人交如水往屢廢屢起頃刻不忘皇恩未嘗  
一移德知已以替銜結嘗為文選郎時時有所  
推轂間有慇懃齒謝者輒厭薄其為人蓋臣素  
性如此即今景暮寵逾復何所市且今臣有

買心計不出於持位保祿而顧冒不測以與廢  
棄小臣市必不然矣惟是臣職在以人事君居  
常念赦小過舉賢才孔子所以教季氏宰猶然  
如此臣遭際

明天子為太宰所不服膺孔訓有以自効罪且莫追  
又值時艱才乏徬徨回顧求之於仕籍無已復  
求之於廢籍每思請陛下解網賜環以充驅  
策抱牘逡逡方懼未能得當以請會恭捧

陛下處分刑部司臣之旨因查得原任郎中王教

事體相同遂疏請 聖裁竊以為將順

陛下赦過之美開廣 陛下舉賢之端而不自知其  
入於大罪也臣又惟奉職無狀罪已章章如此  
矣繼此脩其職而罪是贖披籍而推補牘而  
請即百被罪不敢悔其無乃無當於事而徒激

聖聽以重傷 國家之體如其便身而隳職違心而

後賢即可以託於無市而逃罪責是欺之甚也

臣且自責自罪以為辜 恩負國而重失人臣  
之義蓋思及於此而臣之心有不能一日安者

矣天祚國家聖心開霽遺賢終當彙進  
朝列終當濟翼顧臣義自當去耳臣方有病茲方  
以義請不敢言病伏乞皇上留神俯鑒亟  
賜罷斥亟簡忠賢推心而委任之使為

陛下用人臣得歸老中林伏覩治象愉快不虞身有  
矣臣干冒天威曷任惶恐待罪之至為此具本  
謹奏以聞伏候

勅旨

二乞罷疏

吏部尚書臣陳有年謹奏為病憤無當罪在一  
臣懇賜罷斥以安分義併乞寬司屬以明職  
掌事臣久病乞休蒙恩調理間遵

旨會推閣臣隨又遵旨將萬曆二十年兩次會推

閣臣負名通寫具題恭候聖裁隨節奉

聖旨且昨有旨如何推掌院御史這本內如何還寫  
李世達爾該部將旨全不遵行好生事擅又起  
召輔臣乃上特旨今次原着會推堪任閣臣不  
會着議起用閣臣你該部如何輒自開寫况

祖訓不許言大臣德政之戒爾該部一意市恩徇私  
壞公本當依訓重治且從輕堂上官姑免究  
該司官着降雜職調用欽此臣伏讀綸音無所  
逃罪乃皇上猶垂仁免究曷勝感激曷勝惶  
悚念頃者恭奉諭札添補閣臣臣以為

國家盛典不敢以抱病私寓怠忽公舉始而精採  
公望謀諸左右侍郎而據以臣廷議者臣主之  
也繼而檢閱故籍通寫前次兩推而疏以報  
命者又臣主之也臣本愚劣重以病憤不能仰窺



宸意將順

明德謬謂奉

旨卜相當先名望遂首

推舊輔王家屏又謬謂奉

旨通寫不敢加減遂

仍寫原疏李世達即市恩徇私臣萬萬不敢有

是心然知其一不知其二泥於昔不通於今臣

之罪自分莫逭矣

皇上即幸而寬之臣敢饗

天恩以自寬且忝大義此臣之所不安也銓司職掌

從來不相侵越今日之事臣寔為政談司郎中

顧憲成承行而已若負外郎王同休主事黃中

色各有分委絕不與聞又非郎中比以故會推

舊例司官都不列名今 皇上幸寬臣而深罪  
諛司是臣移罪於屬也諸臣雖安焉受之臣獨  
無耿耿乎此尤臣之所不安也伏乞

皇上鑒察將臣特賜罷斥以正病憤無當之罪其諛  
司官顧憲成王同休黃中色併乞 俯賜原宥  
無使為臣受罪則愚臣得安於分義以歸而銓  
部之職掌亦明臣沒齒無憾矣臣冒干

天威無任悚仄待罪之至

三乞罷疏

吏部尚書臣陳有年謹 奏為懃乞

聖明即 賜顯黜事五月十七日接邸報諒臣奏為  
病憤無當罪在一臣懃 賜罷斥以安分義併  
乞寬司屬以明職掌事奉

聖旨覽奏知道了該司官已有旨從輕處分了欽此  
念臣奉職無狀席藁待罪誠得幸而 賜罷  
皇上之恩也愚臣之分也伏讀 宸綸未蒙顯黜臣  
罪深重實不可一日尚容部務鉅艱又寧當一  
日再誤况衰病之請正惧職瘵而謬鑒之身更

與病會空懷 高厚之德曷勝水谷之衷用敢  
苦瀝下棕冒瀆 天聰伏乞 皇上鑒察明  
賜罷斥別 簡殊賢授任庶銓地可重臣義亦明  
無任悚慄待 命之至

四乞罷疏

吏部尚書臣陳有年謹 奏為剖臆陳義懃乞  
特賜罷黜以明臣節事頃臣為懃乞

聖明即 賜顯斥事奏奉

聖旨卿以疾在告原不妨管理部事有何曠瘵自求

罷斥宜慎加調懾痊可即出供職不准辭吏部知道欽此念臣病已深矣告已頻矣頃緣待罪求黜不敢言病乃不自意誤蒙聖慈矜其病不正其罪可不謂私幸哉然臣揆之於義有不勝大悚大懼而不能一日安者敢冒罪再陳會推始末而後鳴臣不可不罷之故惟

皇上幸垂察焉始侍郎趙參魯盛訥恭奉諭札添補閣臣隨至臣私寓屬主其事已而郎中顧憲成至問故事焉臣不能多記獨記萬曆十三年

十二月楊巍為尚書臣文選司郎中會推一次  
今輔王錫爵即是年所推也又臣籍餘姚餘姚  
前輩有西閣臣一為謝遷則弘治八年吏部尚書  
耿裕奉 旨會推一為李本則嘉靖二十八年  
吏部尚書聞淵奉 旨會推云臣又謂閣臣至  
要重今 聖諭先以名望繼以不拘資品意甚  
盛矣且 先朝閣臣論資間不拘翰苑論品原  
不拘尊銜即前耿裕聞淵楊巍皆列首推謝遷  
李本止宦四品今雖時異事殊不可不仰承

聖意極一時之選臣乃擬王家屏等七員皆時望當  
推良謬以其中孫鑰孫丕揚為不拘資馮琦為  
不拘品臣遂與兩侍郎議定兩侍郎遂據以推  
于廷題候

皇上裁簡臣方謂以人事君可幸無過及奉

嚴旨而後知聖意之淵微非臣愚所能窺也奉

旨後兩侍郎與郎中顧憲成又先後至臣寓臣謂新  
推孫鑰孫丕揚當導旨刪下兩次舊推諸臣  
當導旨通寫臣方謂欽遵從事可幸迨過及

再奉 嚴旨而後益知 聖意之淵微非臣愚  
所能窺也蓋事始末皆臣所主罪皆臣所致臣  
不敢欺至於市恩徇私無論臣生平萬萬無是  
心即事情亦自可見大抵欲市恩欲徇私必不  
施於公論所共興之人謂其人之不可得私而  
無所見恩也又必不施於 聖意所不喜之人  
謂其人之不易徼恩而無所售私也此其故章  
章也 陛下試以此熟察之不難辨矣惟是臣  
本愚劣重以病憤前䟽中業已言之遂以



清朝爰立之盛事自取 聖明督過之大譴臣即  
視職且有餘媿而猶然及於寬政引罪未黜求  
黜未允則臣更有大不自安者夫事固有主罪  
坐所由今日之罪當自臣始 皇上乃姑舍臣  
而獨罪司臣顧憲成夫雨露霜雪搃天德也臣  
不復為憲成惜顧臣能覩然而已乎以義待其  
屬而不以義自待臣亦人也病未即死與其倖  
留而死無寧義黜而死此臣之不可不罷一也  
銓務至重自頃力疾尸事謬戾之及蓋寤寐惴

之矣 國典孰大卜相者猶然不足當

聖心而敢謂無他咎哉臣夙不勝慕忠憐直之癖不能無所推轂於臣心未十之一耳然使

皇上不諒其心而誅其迹則市恩徇私罪將安極而銓事將益不可為此臣之不可不罷二也疇咨之義自堯舜以來迄于 昭代不廢即

先朝卜相非盡會推未有以會推為詒者當臣之身而以為詒患不在法在臣匪人耳倘嗣是而其說遂長將使左右得閔其私卿大夫莫矯其失

臣罪且不在一身不在一時而在天下後世此  
臣之不可不罷三也臣病已深矣告已頻矣今第  
無他端而申乞休之悃以幸 皇上憐而放臣  
在人情豈不賢於罷斥哉然臣心大有不安區  
區狗馬之誠亦終有不盡故輒敢昧死一畢其  
愚懷求罷黜伏乞 皇上留神鑒察亟黜臣以  
為失職之戒且臣去冬疏辭 簡命即惓惓以  
不欺自矢使臣得始終斯言寔臣之大幸也臣  
冒干 天威無任戰悚待罪之至

五乞罷斥并查舉待罪司屬疏

吏部尚書臣陳有年等謹奏為查舉待罪司屬

負名遵諭題請

聖裁事五月二十四日接得兵科右給事中逮中立

一本

云

奉

旨

云

欽此

臣等承乏吏部稽

誦嚴綸罪及司屬而尚寬臣等斧鉞方畏威

感恩之不暇夫復何言惟是奉

上旨該司官黃縉等都著為民緣該司各官前後事故

不一應查明上請查得原任該司員外郎黃

縉於某月日丁憂回籍見任文選司員外郎王  
同休先由主事陞員外郎續調今職原任該司  
主事章嘉禎陞稽勲員外郎見任該司主事黃  
中色由驗封司主事調今職今蒙  譴諸臣凜  
凜待罪臣等竊以為黃縉既已丁憂王同休陞  
調不常章嘉禎已調司黃中色到任未久而王  
同休黃中色近以會推事輔臣申揀方蒙

旨從輕罰俸今一旦盡從重黜情似可原且推用  
欽點諸臣原皆臣等擬註該司郎中承行員外郎以

下原不相涉即有錯誤罪在臣等即罪及該司  
罪止即中若槩罪諸屬於情尤為可原查得刑

部為

云事

即奉

諭札

云

欽此

今黃縉等

等

待

罪未明敢開導

諭題

請伏乞

皇上俯垂鑒察將臣等罷黜以寬諸屬或念該司  
印官已經為民將黃縉等曲賜矜原量加罰治  
恩威出自皇上伏候聖裁

六乞罷疏

吏部尚書臣陳有年謹奏為會推閣臣推用廢

臣事皆臣主義難苟容懷乞

宸斷亟 賜罷黜事項臣為剖臆陳義懷乞特 賜  
罷黜以明臣節事 奏奉

聖旨屢旨着卿在任調理如何又自求去卿久疾在  
告會推事原無相干不必引咎痊可即出供職  
吏部知道欽此隨又該臣為通查待罪司屬負  
名導 諭恭請 聖裁事 題奉

聖旨已有旨了如何又來漕奏姑且不究欽此臣伏  
讀前後 宸綸感悚交集伏念臣叨掌邦治一

切銓務臣寔主之頃者會推閣臣臣原未嘗以  
病諉責始末具前疏中章章甚明至推用

欽黜諸臣其擬推盡出臣意註缺盡出臣手郎中受  
而行之負外郎而下未之前聞也故今日之事  
不見謂罪則已如見謂罪當自臣始而顧誤蒙  
聖慈一則曲憫之以無干一則重置之於不究是臣冒  
罪獨深而蒙貸獨厚也且臣之疏陳繇出情實而  
皇上姑息於情實之表臣之乞罷總關分義而  
皇上優容於分義之外臣且莫知所以得罪莫知所



以不得罪而直以冥頑渙忍之質冒當

皇上姑息優容之私無論臣跼蹐靡寧柰何以臣故而重  
為政體累伏乞 皇上俯察臣愚將臣亟行罷  
黜非獨以全微節實所以明政體也然臣猶有  
不能忘言者頃年以來建言得罪無慮數十人  
矣其沉淪久者甚且閱十年又甚且為異物矣  
夫遜志遜心聽德所諦法家拂士興亡是關若  
之何重摧抑之又從錮之以銷磨忠臆而決裂  
公道也夫逆心者必罪則法家拂士遠法家拂

士遠而謠誦脂韋之人至矣異日者

國家即有大奸慝有大利害誰當言之而不誰當  
直之風靡波頽其醞禍且厚

聖明能不為 國家計乎臣願 陛下深惟道理勿

忽於遜逆之聽而悚然於法家拂士之不可無

亟發 德音還諸建言者職因徐觀其行業而

優劣之使天下知 清朝不以一忤錮人又不

以一節優人百僚且勸為忠直而媚於

天子邦之榮懷意在斯乎不然直佞消長之機

國家理亂之介臣愚不知所終也此區區一念率  
屬圖報之初心不忍以一日得罪當去而遂默  
不一吐伏惟 聖明留神幸察臣冒干  
天威無任悚仄待罪之至

辭分猷疏

吏部尚書臣陳有年謹 奏為請乞 改遣分猷  
事准大常寺手本云云等因到臣臣恭候至期  
行禮間忽於本月初十日得患目疾赤腫疼痛  
過夜轉劇不能行禮伏思期日已迫恐誤

大典敢據實 奏請伏乞

皇上改命大臣一負分猷臣不勝惶悚待 命之至

一乞休疏

吏部尚書臣陳有年謹 奏為病困不能供職懇乞  
天恩俯容休致事臣至不肖濫竽鉉衡未有分毫之  
報乃自二月以來目疾舊症大作過服驅風退  
熱之藥星翳赤脉依然未除重以元神深越中  
氣損傷虛火燎原氣血鼎沸為暈眩為怔忡為  
痞滿為衄血為氣上築種種襲出侵尋日重莫

知所療銓務艱鉅即欲力疾總攝萬萬不能矣  
臣詎敢自愛其身第人臣之所用自效者以有  
身爾身之不能支焉攸報 國輒敢仰

天控籲丐此孱骸伏望

皇上矜察放歸田里區區嚙結之誠無論視息在野  
即九死猶生也臣無任懷惻待 命之至

二乞休疏

吏部尚書臣陳有年謹 奏為抱病再乞

天恩即賜放歸事臣於三月初四日具疏乞休隨奉

聖旨卿偶疾不妨在任調理銓衡事重痊可即  
職以副倚注吏部知道欽此伏念病臣之不足  
供銓衡副倚注明矣猶然猥被溫綸不勝  
棄置臣伏讀感悚安敢再有瀆陳但臣賦素薄  
壯且善病老益不支日者誤蒙

宸簡濫掌邦治人才進退啓事寔繁夫事有進一人  
退一人而得失關在稱否者又有進一人退一  
人而得失關在消喪者臣不能無所營然而後  
耳目焉又不能無所怔然而灼神志焉耳目之

勞猶淺神志之憂更殷病所由来良非旦夕昨  
不得已仰干明聽俯丐孱骸未奉

矜俞尚令調理斡以弛擔而銓衡之重仍責之供  
惧於辜恩而倚注之隆仍責之副度不能  
供則冰谷轉棘度不能副則鈇鉞如臨痊可安  
期隕越將至况部事紛劇左右侍郎以臣之在  
任莫適主也諸司日操事而白臣私寓每一商  
確憤鬱委頓苦不可言是臣以官益病也事既  
日集而臣已病之耳目神志不堪為用率而決事

則虞冥錡綬而留事則虞陳廢是臣以病瘵官  
也以官益病臣即先朝露止耳以病瘵官當  
公務何臣誠不勝疚心失圖計必去而後醫藥  
倘可為力必去而後部事自當有人必去而後  
不重負 國家銓衡之地必去而後不重辜  
君父倚注之恩輒敢不避煩瀆籲 天再請伏乞  
聖明憐察即 賜放歸臣生死啣 德無窮矣臣懇  
任陳不待 命之至

三乞休疏



吏部尚書臣陳有年謹 奏為憂病併迫三乞  
天恩蚤放無曠重地事臣於三月初十日抱病再疏  
乞休隨奉

聖旨卿前以病辭准在任調理如何遽爾復奏今四  
方多故用人最急正望卿綜核名實以振吏治  
宜即出任事慰朕倚托之意吏部知道欽此隨  
又猥蒙

聖念 頒賜上方品物臣仰激 溫綸伏謝

寵錫時艱義重 恩渥報微夙志謂何忍固言去

顧連日轉展牀第間起色幾期憂心彌棘彌憂  
彌病彌病彌憂於此猶不稅駕豈惟無能行義  
且滋失豈惟無能報恩且滋負敢復冒罪剖  
臆披瀝 君父之前臣惟人臣之服 君事也  
身能任則思終事而不惜致其身身不能任則  
不敢自詭於致身而坐廢其事今者四方多故  
用人最急 皇上不以病臣為不能任 睠焉  
不聽其去責以吏治督以即出若謂倘可終事  
云爾然而臣之不能任寔自知矣病既不能任

勢又不能亟釋不能任則憂不能亟釋則又憂  
皇命在上 國事當前則又不勝重憂茲病閱月矣  
籲免者再矣每一起而奉

旨腑膈若燭退而伏枕寢夢若驚以是藥石罔靈飭  
糜俱損奄奄者息縱緩居諸憤憤之神安施綜  
核身且不振而冀以振吏治其將能乎人之有  
憂莫憂於心所急而力不能前尤莫憂於當  
君父之所急而身不能效此臣今日所為踖躇怔營  
而頃刻靡寧者也日以復日無論臣憂且愈不

可解病且愈不可為義且滋失。恩且滋負為  
世大罪即仰惟 皇上軫多故急用人之意豈  
其知病臣之真不能任而終令久尸重事且廢  
之也臣不敢以一身之憂瀆塵 高聽而不敢  
不以 國家之憂懇祈 明察伏乞  
皇上矜其所不得已 念其所不可曠 垂仁蚤放  
委重名賢則能者以任為報不能者以不廢為  
報吏治可振多故可匡而病臣亦得薄其罪矣  
臣迫衷迷緒累瀆

宸嚴無任戰慄待 命之至

四乞休疏

吏部尚書臣陳有年謹 奏為病苦陳情四乞

聖慈幸察即放休致事三月二十二日臣三疏乞休隨奉  
聖旨朕屢有溫旨留卿卿固稱病甚以繫身為高君  
臣之間情義當何盡况卿既稱愛國又惜致身  
於理亦自難通宜體朕念毋得再有託陳吏部  
知道欽此竊念臣病乞骸骨

皇上不以為罪既屢塵 溫旨又 諭以情義責

以致身病臣即在昏憤曷勝感激曷勝惶悚敢  
不仰體 聖念而更瀆 宸嚴但臣寔病實不  
能供職諸疾苦憂迫狀略具前疏中非敢託陳  
且銓衡何地不可病且為也如使臣遷延尸位  
而死不足以明致身適令重事廢耳臣實憂以  
身之病病國而亟求解去庶幾以不廢為報非  
惜此七尺也臣本不肖事

陛下為即致位冢部茲當乞身而去 皇情又眷眷  
留之臣豈木石冥不知戀惟是病既彌甚精已

銷亡慕 君之誠誦於沉痾報 主之軀困於  
瞑眩即欲自力而強起哉心不能得諸身身不能  
得諸病寤寐 鴻恩惟有從枕上感泣而已留  
君之仁去臣之義伏乞

皇上幸垂聽焉微臣得畢命牖下死且不朽倘一日  
未殞一日當效華封蓋偃卧林泉義安逃於天  
地支離手足情猶繫于腹心臣之身總

皇上之身也臣詞已窮臣衷轉迫無任懇惻待  
命之至

五色休疏

吏部尚書臣陳有年謹奏為病軀沉篤職務虛曠泣額

聖慈憐放以全餘生以逭大罪事臣病且久四月初二日四疏乞休隨奉

聖旨卿端慎公清典銓出朕欽簡視事未久倚任方殷何至再四求去殊非朕簡用初心冢宰位首百僚豈可久虛宜即出供職毋得再辭吏部知道欽此臣從枕上伏讀感極涕零竊念臣碌碌



無他長誤蒙皇上欽簡待罪冢位感激

知遇亦欲有以自獻何圖時無幾而灾忽生志未酬而病已劇侵尋日月再四乞身豈惟負

皇上簡用初心亦非臣圖報之夙願也然而臣有無可柰何者衰暮而遘病致之易却之難居位而治病益之易已之難始臣目苦外障今神水不任爍轉昏矣始氣在上如築今心時時動且痛矣始暈衄間作今無日不作矣加以咽痛妨食耳鳴妨聽鼻息由妨呼吸矣病兩閱月部事不

能無壅臣前䟽業言之今推陞大選諸務亟期  
而臣不能躬為料理 國家有應會議及會覆  
者而臣不能面共商確展轉省念萬有不安矣  
冢位豈可久虛不能即出定當即去如既不能  
出又不能去其勢不至於死不止而重令當務  
闕於 公家大罪積於臣身臣實不勝惶迫不  
勝憂苦輒敢瀝血哀鳴而亟 請焉伏乞  
皇上憐臣竇病不以負 簡用為戮且無令久虛冢  
位即 賜慈斷放歸是

皇上所以逭臣罪而錫之餘生也。臣飾巾待盡終始敢忘天恩。臣無任懽惻待命之至。

六乞休疏

吏部尚書臣陳有年謹奏為病臣遵

旨調攝日久難痊懽乞聖慈終憐放歸田里事。四

月初十日該臣五疏乞休隨奉

聖旨朕屢有旨留卿乃卿屢疏求去殊失朕眷倚之意。卿疾未愈宜慎加調攝痊可即去供職不必再辭。吏部知道欽此。伏念臣久病乞身屢奉

溫旨仍不得已至於屢瀆 宸嚴以負

皇上眷倚且塵 聖念不棄 諭以慎加調攝期其

痊可供職 君恩深重臣獨何心奉 旨以來

倏幾半月醫者謂宜習靜顯精佐以方藥庶幾

可瘳臣本孤旅性甘澹寂一榻凝塵了無他累

惟是尚牽部務無所稅責司屬白事時一詣前

間不能無相裁質云爾其餘則伏枕而臥特粥

而食異以徼 天之福得稍痊可勉出供職然

而積疾夙深諸症總劇時當火令元氣重傷五

心如燔四肢萎靡湯散交進莫之如何病之難  
痊從可知也且臣年六十有四矣血氣既衰疾  
病况久遷延卽含辜負皇恩展轉自傷心長  
力短惟有呼天乞休而已伏乞

聖慈憐察卽放生還使病臣無以瘵官持祿為  
清朝辱臣無任哀懼待命之至

七乞休疏

吏部尚書臣陳有年謹奏為病劇不痊辭頻未  
釋辜恩負職逾久逾苦七懼慈憐義斷卽

賜休致事四月二十五日詔臣以調攝日久難痊奏奉  
聖旨國家多事用人為急朕方倚卿甄別人才共圖  
治理豈得堅意求去宜即出供職以副眷懷不  
必再辭吏部知道欽此念臣抱病乞身以來所奉  
溫綸矣臣每一恭誦未嘗不仰而思恩俯而思職  
為之彷徨靡措轉展不寧苟臣病可旋藥力能  
強出則報恩有身何忍去而辜恩盡職有  
身何忍去而負職且臣屬當衰候忝修舊臣報  
恩今日辜恩亦今日盡職今日負職亦今日豈其

可以無去而輕於求去且堅也惟是人臣仰不  
思之恩俯不思職則苟縻而可爾抱報之恩之  
心而苦不能報則懼辜之恩而思退心滋苦矣  
操盡職之心而苦不能盡則懼負職而思解心  
滋苦矣今者皇上為國家急用人而又以  
用人故留用之人臣宜何如為心也人才何  
以甄別眷懷何以仰副區區微誠惕若氷谷  
而身乃沉滯於膏肓呻吟於枕簟精寃且無能  
自攝耳目且無能自周即夢寐不敢忘忠賢生

死不敢欺 明聖亦空有此一腔而已安能以  
昏憤之身為 皇上用人而藉手言報哉

國家多事斷不當使病臣尸此明甚斯臣思所為  
益苦病所為益深而不能已於瀆陳者也夫人  
臣度不能報 恩寧去而辜 恩無容戀而辜  
恩度不能盡職寧去而負職無容戀而負職伏望  
皇上幸察臣衷慨然發 鴻慈斷以大義即日放臣  
歸里 清朝豈患無人亦豈患無用人之人惟  
皇上用之而已臣不勝慊慊祈籲之至



八乞休疏

八乞休二疏前疏具稿未上

吏部尚書臣陳有年謹

奏為病苦至極八瀆

宸嚴懇乞即

賜生還事五月初七日臣七疏乞休

隨奉

聖旨卿有疾既未痊愈尚宜寬意調理痊可即出供  
職不必再辭該部知道欽此臣一老病無用之  
人耳情迫請頻萬非得已猶然猥蒙

慈諭俯寬臣意且有痊可供職之望蓋天地之不  
棄枯朽若是至也臣何敢自棄以負

聖恩復念人之病凡可寬意調理者必非衰且劇者  
也不然則其地可以自寬者也臣病侵尋逾八  
十日矣腑膈肢竅無不受病血氣既耗寢食俱  
艱衰殘之軀何以堪此且臣濫居銓地職在用  
人用人之急屢屢聖念即臣前疏亦迫然屢  
言之部事實繁屬司逋白目不能視又不能不  
視心不能裁又不能不裁疾首蹙額時時迷暈  
如仍尸其位而求自寬萬無是理已夫

皇上所以寬臣者異臣之痊可耳臣一日尸位一日

不能自寬是痊可無繇也。曩臣之出而供職耳。  
臣一日不痊一日不能強出是供職無繇也。痊  
可無繇則顛危日近。供職無繇則罪戾日深。既  
憂顛危又憂罪戾而臣之心且為苦。府身且為  
病。叢何以仰承

聖德。皇上亦安用此老病無用之臣為也。臣偃伏  
旒榻間。日夕怔惶。日夕痛楚。不勝呼天乞憐  
之私。輒忘煩瀆。瀝血以請伏望

皇上憐臣病苦已極。放歸田里。使得寬瘼。曠之憂。

意治病倘幸而假息湏臾皆

皇上更生之恩也臣曷任迫切籲懇之至

吏部尚書臣陳有年謹奏為劇病逾時情勢苦  
迫泣懇

聖慈矜憫亟放生還事頃臣病久罪深累疏陳瀆前  
後乞罷者六乞休者七屢奉

宸綸未即黜放臣每一捧對具嚴咫尺且自憐何物  
庸朽尚注皇情泣竭血殫莫知所措念臣病  
始二月上旬隨經辭遣分猷然猶能勉強間

出侵尋至其月之二十三日病滋不支乃註籍  
治藥餌比今已十旬有奇矣腑膈肢竅無不受  
楚血氣愈耗寢食愈艱沉着牀褥間時時迷暈  
鄉山脩阻旅邸無家疾棘氣衰轉慮絕於二三  
僕之手神蒐愁悵哀哀首丘旦晚若莫待至於  
銓務繁重仰塵 聖衷即臣前疏亦切切屢陳  
之無可復言祈在蚤得謝事而已惟是五月幾  
望以來臣方待罪乞罷不敢以病 請且計  
聖主賜玦之日即微臣纓駕歸骨之期而不謂

明罰竟寬私愆倍迫越至於今也臣一日未去死  
日益近一日未去罪日益多死不足惜且重辜  
聖恩罪不足惜且重傷國體臣誠不勝忍死冒罪  
伏枕籲天伏乞

皇上憐臣病苦至極萬分不得已之情即日放歸田  
里倘得假一息抵於牖下北嚮稽首而瞑世世  
戴德無窮矣臣曷任痛迫哀懇待命之至  
九乞休疏

吏部尚書臣陳有年謹奏為危迫病臣瀝血懷

賜亟放事頃臣以劇病逾時奏奉

聖旨卿久病未痊朕非不相體念但今國家多事正  
賴卿甄別人才統率庶僚共圖匡濟豈忍堅執  
求去不為朕分憂佐理卿宜從容調攝痊可即  
出供職吏部知道欽此伏念臣病迫恩寬屢疏  
未蒙矜釋且諭以從容調攝蓋天地之  
不遽棄枯朽如此臣亦何心自棄顧惟人臣之  
事君者心其作而應是心者力臣之病積深矣  
臣之力已銷刻無餘矣累牘病狀幸在

皇上體念之下臣又何贅焉夫病而不已則日危求去而不得則日迫臣今即欲仰遵

聖諭而從容調攝乎哉今何時也皇上方屢多事之憂病臣方負無能分憂之懷而謂能寬然自攝泄泄然尸其位萬無是理臣且治病之與業官斷不可兩也甄才何職率屬倚地身之不去安所逆責而將從容其間得手是皇上幸開臣以稱生緩死之期而臣不勝生死危迫之勢也今時何時甄才何職率僚何地豈有卧病垂四



月尚懸組綬榻前不亟解去者皇上以多事  
留臣臣以卧病誤皇上生當為侈死且不  
瞑惟皇上幸憐而亟放之臣自憐終不能留  
報聖恩必矣猗歟哀鳴詞淚俱竭臣曷任隕  
越祈懷之至

十乞休疏

吏部尚書臣陳有年謹奏為臥病四月轉危哀  
控十疏轉迫懷乞即賜生還以全

聖慈事臣自二月二十三日註籍累疏乞休頃第

疏復奉

聖旨卿屢以疾辭朕亦以卿清望素著儼然百僚之  
長故堅意留卿何復有此奏君臣之間亦當各  
盡其理宜即出供職以慰眷懷毋得再辭欽此  
臣伏讀宸綸稽躬無地念臣抱病以來衆苦  
交集月甚一日甚一日自度百無痊可之期  
萬無報效之望矣不得已而後請不得請  
而至於瀆臣獨何心哉且為臣孰不希

主眷者乃臣每奉留命輒迫然五內為灼然泣

下病且滋益也臣至愚嘗謂人臣事君有一  
分知遇自有十分感激有十分感激須實有  
十分報效臣之病四閱月而滋益身且陷危其  
不能報效必矣理惟有心藏知遇乞身以歸  
而已病既必不能出請又未得亟歸交離此  
身跼蹐何所欲病無危得乎臣頃更未殞未嘗  
不仰惟皇上惓惓之意猶是望臣供職又未  
意其至此極耳顧臣勢已至此無復可望畢竟  
歸於一去皇仁如天不必以臣去為惜而病

臣猶以湏臾之生顧及其未殞徼憐於

上帝使得生出國門且倘有一生入里門之覲也伏乞聖慈幸憐而亟放之則高天厚地之德萬於留臣臣倘得生入里門即不肖子姓見臣生還皆知

皇上之生之也豈惟臣之一心藏已哉臣無任迫切祈哀忍死待命之至

十一乞休疏

吏部尚書臣陳有年謹奏為病臣十一籲

天懷 賜亟放事頃臣十疏乞休奉

聖旨卿求去疏已十上朕豈不知留卿無非為國之  
意何復又有此奏宜即出供職不准辭吏部知  
道欽此念臣病逾四月情迫 請頻未蒙

俞允臣之死無日矣顧惟

皇上所以留臣無非為 國爾使臣病而能強出報  
國乎或病不能出以死而有益於 國乎臣何敢  
自愛然而臣病狀危篤所由來久矣中屢奉

旨調攝卜醫診治根抵既深情勢轉棘日增月劇無

可為瘡右目偏眇左耳亦漸無聞此其章章者  
至脾氣虛極見食輒不勝顰顧強食更不勝瘡  
脹衰年得此大是惡候萬無能出之理反覆自  
憐豈有病久如此其危又如此尚尸銓衡地不  
得謝去者銓政殷鉅病勢危劇在臣寔不能知  
事侍郎又不為適主勢必廢閣豈容遲誤乃  
皇上猶膠刻病臣留之不置日以復日直不過伏枕  
泣血死耳詎惟無益於國且空糜國事  
皇上何為焉臣非不知仰體聖意然不能不亟亟

復請者誠不勝生還私願又知徒死而無益  
於國也伏乞皇上俯垂憐察賜放歸  
移為國留臣之心簡任明德則國事無廢  
而臣生死總微

聖恩矣臣無任危迫祈哀忍死待命之至

十二乞休并辭印務疏

吏部尚書臣陳有年謹奏為病迫恩寬萬分  
無措十二籲天乞休或容先辭印務少緩死  
期事頃臣十一疏乞休奉

聖旨卿病久未痊宜從容調攝以俟平復出理部事  
何必汲汲日以求去為言所奏不准辭吏部知  
道欽此念臣病已極矣辭已窮矣伏枕籲

天日夕望 聖慈鑒察即放生還乃

皇上猶諭以從容調攝不必汲汲求去臣伏讀

綸音不覺驚惶暈絕逡巡稍甦莫知所措又念臣衆

病交侵四月有半若瘡滿近證尤至危篤及今

亟去則百有一生不去則必無望幸惟是臣病

日迫 聖恩日寬欲亟瀆既惕於



聖諭之在上欲調攝又苦於部事之當前臣之情勢  
實為狼狽先是臣嘗有言治病之與業官斷不可  
兩甄才何職率僚何地身之未去安所逃責而  
將從容其間得乎此臣九疏中語也銓政殷鉅  
病勢危劇在臣寔不能知事侍郎又不為適主  
勢必廢閣豈容遲誤此臣十一疏中語也第時  
疏顓乞去意主得請以為一去事畢而不意  
遷延迄爾轉展失圖輒復冒罪瀝血苦祈  
天聽之倘回即目憐而放臣臣不勝大幸如萬不得

已容臣先辭印務恭候

命下召送左侍郎趙參魯管理臣自傷命薄灾深終  
難徼 君父之福異於平復而日下得耳不聞  
黜陟心不慮可否一意治病異旦暮緩死以觀  
其後而再行奏 請席幾仰承

皇上惓惓德意不然而一面理事一面治病勢必遽  
死比其死 皇上即從而憐之亦無及已臣危  
迫憤亂從死望生伏乞

皇上岳仁矜允臣曷任悚仄待 命之至

十三乞休疏

吏部尚書臣陳有年謹 奏為解務治病勢日增  
劇十三籲 天懇 慈即放生還事頃臣十二  
乞休併辭印務伏蒙

聖恩准令辭印調理臣不勝感激當咨左侍郎趙參  
魯署掌印輿疾屏寓僻區收召精覓慎加醫藥  
冀或有漸痊之望不意復為秋氣所襲泄瀉咳  
嗽脾肺交病痞滿依然若舊而日所吐痰飲反  
溢於日所歆之糜粥暈眩怔忡乘枵作楚肌體

柴枯喘息僅屬伏枕自念氣血衰矣疾苦幾五月矣表裏積虛隨觸成病夏之方災既苦壯火之食氣秋之始肅輒又苦薄涼之中人蓋六氣非能病臣臣先自病也已今

皇上以辭印調理寬臣病臣以承恩調理每寬一切部務夫既有治之者矣上不兢思於題覆之重下不罷精於商質之煩而舊證不已新證滋益如此繇今揆後可計筭漸痊乎哉至是而臣之勢益以窮心益以蹙矣夫

皇上之寬臣是臣九死一生之會也其幸而微一生  
是聖恩也其不幸之幸而微一歸骨於九死  
之中猶之乎生也是聖恩也臣不勝怙

恩祈 恩敢復剝瀝以請伏乞

皇上憫臣疾病久劇察臣調理難痊即 賜放歸病  
臣銜 恩終始莫知所報臣曷任哀迫祈懽之至  
十四乞休疏

吏部尚書臣陳有年謹 奏為病臣籲 天待  
命勢轉阨危十四懽 恩放歸事臣自二月二十三

日患病註籍累疏告休迄今五閱月矣七月初五日不得已疏辭印務蒙 准辭印調理本月十五日因病勢增劇具奏乞歸候

旨未奉間連日泄嗽交作脰膈煩痛中脘痞塞妨礙飲食殆成滿證穀氣愈少元氣愈索耳目愈失膚革愈脫藥餌如流有劇無已更念辭印以來事非不簡也調理非不專也然而病仍日益此以知望痊之難矣惟是伏枕待

命倘幸生還盱想 聖慈晨夕偏次語曰疾痛呼

天夫天心之仁愛豈以亟呼為罪哉則病臣今日  
之謂也輒復不避煩瀆冒昧以請伏乞  
皇上廓然垂仁即賜放歸病臣幸甚臣曷任危迫  
祈懽之至

得請病謝恩疏

吏部尚書臣陳有年謹奏為恭謝

天恩事臣以久病危迫屢疏乞休本月二十一日奉  
聖旨卿有疾屢旨勉留乃復堅意求歸情詞懽切准  
回籍調理着馳驛去痊可之日撫按官具奏起

用吏部知道欽此念臣庸慙無長誤叨

特簡待罪銓地忠慚頂踵病入腹心瀝竅乞身日

夕悚仄伏蒙

聖明矜察 允放回籍 特賜馳驛以歸生望里門

荷 穹仁之載造扶携道踟沐 寵數之具優

戴 德始終銜 恩存殞祗緣臥病於牀褥不

能叩謝於

闕庭謹具本奏 謝以聞

予病告辭疏



吏部尚書臣陳有年謹奏為病憊不能

陛辭恭陳微悃事臣欽蒙

聖恩賜臣馳驛回籍及賜寶鈔已經具本陳

謝訖臣世受國恩謬承

皇眷報微力詘病劇心危今當長違

闕庭衷懷如結自惟懸車草莽之臣飾巾旦暮之日

惟有遙瞻宸極仰祝玄禧隨分傾誠他無

能效矣至於恤緯不遑美芹有獻伏願

皇上清心以建甲和之極虛己以成上下之交

躬擗萬幾察通言而朝無留牘旁求衆正赦小  
過而野無遺賢此臣所為回首惓惓而不能自  
已者也臣銜

恩感泣無任瞻戀祝頌之至謹具本奏

辭以

聞